

16. oktober 2013

UKA 2013/21
Evelyn Frederiksen

**Nunat Avannarliit Killiit Siunnersuisoqatigiiffiata kaammattuutit aalajangersa-
gaanik nr. 1/2012-imik, ataani allassimatut oqaasertalimmik, Inatsisartut tapersiini-
saannik Inatsisartut aalajangiiffigisassaattut siunnersuut: Nunat Avannarliit Killiit
Siunnersuisoqatigiiffiata Savallimmiuni Naalackersuisut, Kalaallit Nunaanni Naalak-
kersuisut aamma Islandimi Naalackersuisut kaammattorpaat suleqatigeeqqullugit
allaaserisaqartarneq atuakkiortarnerlu nukittorsarniarlugit nunani ataasiakkaani
atuakkiortut peqatigiiffii suleqatigalugit atuakkiortunut siunissamilu atuakkiortun-
ngorumaartussanut allassinnaanermut pikkorissarnernik peqatigiillutik aqqissu-
usseqqullugit.**

(Aallartitat siulittaasuat Lars-Emil Johansen)

Siumumi isumaqarpugut tunngaviusumik Nunat Avannarliit Killiit Siunnersuisoqatigiiffianni suliniutit assingiingitsut nukittorsartuarneqassasut, nunat tarrarsorfigisinnaasagut amerlasoorpassuartigut assigiiffeqarfigaagut, kiisalu eqqartueqatigilluarsinnaasagut suleqatigiif- feqarnitsigut nukittorsaanerit saqqumilaarnissamut tunngappata aamma suleqatigiissute- qarnikkut piorsartuaannassavagut.

Nunat Avannarliit Killiit Siunnersuisoqatigiiffianit Kalaallit Nunaat, Island Savallimmiunilu Naalackersuisunut kaammattuutaat allaaserisaqartarneq atuakkiortarnerlu nukittorsarniar- lugit nunani ataasiakkaani atuakkiortut peqatigiiffii suleqatigalugit, atuakkiortunut siunis- samilu atuakkiortunngorumaartussanut, allassinnaanermut pikkorissarnissamik peqatigiil- lutik aqqissuusseqqullugit.

Naalackersuisut akissuteqarnerminni kaammattuummot qujapput, aningaasanullu inatsim- mi periarfissaqarpoq taamatut ittunut aningaasaliisoqarnissaanut, taamaasilluni atuakki- ortut peqatigiiffiat aammalu allat soqutigisallit pikkorissartitsinissamut assigisaanullu aq- qissuussinissaminnut aningaasanik taperneqarnissamut qinnuteqarsinnaallutik. Akissute- qaammi aammattaaq paasissutissatut ilanngunneqarpoq nunatsinni atuakkiortut peqatigiif- fiannut "Kalaallit Atuakkiortut" kaammattuutip imarisaa pillugu oqaaseqartitsisimaneq, atu- akkiortullu peqatigiiffiani siulersuisut pineqartoq tunngaviatigut tamaat ilalersornartutut isi- gaat.

Taamatut naatsumik oqaaseqarluta Siumumit aalajangiiffissatut siunnersuut taperserpar- put.